

Inatsisartunut aalajangigassatut siunnersuut Naalakkersuisut peqquneqassat inatsimmik pilersitseqqullugit, angajoqqaq/eqartussaassusermik tigummiartoq meeqqamut ataatsimik arlalinnilluunniit innarluuteqartumut imaluunniit arlalinnik innarluuteqartumut akissarsiatigut taarsiivigineqarnissamik, pineqartoq meeqqap innarluuteqarnerata malitsigisaanik sivikinnerusumik suliguni. Tamanna pissaaq meerarisaq angerlarsimaffimmi najugaqartoq qassinilluunniit ukioqaraluarpat.
(Inatsisartunut ilaasortamit Anna Wangenheimit saqqummiunneqartoq)

pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneernejarnissaanut

ISUMALIUUTISSIISUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Doris J. Jensen, Siumut
Inatsisartunut ilaasortaq Dines Mikaelson, Siumut
Inatsisartunut ilaasortaq Mikivuk Thomassen, Inuit Ataqtigiiit
Inatsisartunut ilaasortaq Edvard Nielsen Aronsen, Inuit Ataqtigiiit, sinniisussaq
Inatsisartunut ilaasortaq Hans Enoksen, Naleraq

UPA2024-imi 2. maj siullermeerinninnerup kingorna aamma UKA2024-imi siunnersuut ataatsimiititaliap misissorpaa.

Siunnersuutip imarisaa siunertaalu

Siunnersuummi angajoqqaat/eqartussaassusermik tigummiartut meeqqamut ataatsimik arlalinnilluunniit innarluuteqartumut akissarsiatigut, tassa pineqartoq meeqqap innarluuteqarnerata malitsigisaanik sivikinnerusumik sulissappat taarsiivigineqarnissaanut Naalakkersuisut inatsimmik pilersitseqqullugit peqquneqarput. Meerarisaq angerlarsimaffimmi najugaqartoq qassinilluunniit ukioqaraluarpat tamassuma periarfissaanissaa siunnersuuteqartup pingaartippaa. Siunnersuummi tunngavilersuutigineqartumi allassimavoq angajoqqaat napparsimalinnginnissaat qasulinnginnissaallu siunnersuutigineqartumi siunertarinqartoq.

Tamatuma saniatigut tapersersortimut aaqqiissutip amigaateqarnera meeqqallu pisariaqartitaanut naapertuutinnginnera taagorneqarput.

Siunnersuutip Inatsisartunit siullermeerneqarnera

Siullermeerinninnermi siunnersuut Naalakkersuisunit itigartitsissutigineqarpoq, kisiannili siunnersuutip imaanut pingaaruteqarsinnaasut arlallit, ilaatigut inuit innarluutillit tapersersorneqarnissaat pillugu Inatsisartut inatsisaannut siunnersuummut atatillugu tusarniaanermi maannakkut ingerlasumi, qulaajaanissaq pillugu immikkoortoq ataatsimiititaliamit suliarineqartussanngorlugu innersuutigineqarluni.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Aningaasatigut allaffissornikkullu kingunerisassai pillugit nassuiaatit amigaataasut ataatsimiititaliap paasivaa, pissutigalugu siunnersuuteqartup angajoqqaat sivikinnerusumik sulinerat pillugu akissarsiatigut taarsiivigiineqarnissaannik kissaataa pinnagu, Naalakkersuisut §37 nr. 025-2024-mi akissuteqaatiminni SIK-p ilinniarsimanngitsunut akunnermusiakinnerpaanut akigititaq naapertorlugu naatsorsuisimmammata. Siunnersuuteqartup siullermeerinninnermi Naalakkersuisut kisitsisinik taakkuninnga saqqummiussinissaannik kaammattorpai, tassungalu atatillugu taakku pillugit siullermeerinninnermi allakkianik paasissutissaqanngitsoq ataatsimiititaliap paasivaa. Ataatsimiititaliap suliarinninnermini taakku misissorneqarnissaat siunnersuuteqartup ataatsimiititaliamut kaammattuutigaa.

Siunersiueqatigiinneq

Ataatsimiititaliap siunnersuummik suliarinninnerminut atatillugu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq siunersiueqatigisimavaa.

Siunersiueqatigiinnissamut aggersaassutip aamma Naalakkersuisup saqqummiussinermi najoqqutaata assilineqarneri isumaliuutissiisummut uunga ilanngussaq 1-itut ilanngunneqarsimapput.

Ataatsimiititaliap siunnersuummik suliarinninnera

Siunnersuutip imarisaa pillugu uummaarissumik oqallittoqarnera ataatsimiititaliap maluginiarpaa. Inunnut innarluutilinnut pissutsit pitsaanerulernissaat tamanit soqutigineqarpoq, tamatumali qanoq anguneqarsinnaanera isumaqatigiinngissutaavoq. Tamatuma kingorna allaaserisamik saqqummertoqarnera ataatsimiititaliap aamma maluginiarpaa, allaaserisami

MIO aamma Tilioq siunnersuut tamakkiisumik tapersorsorlugu oqariartuuteqarput¹, ilutigisaanillu oqariartuutigalugu inuit piginnaanikillimasat tassaasut inuit piginnaatitaaffiitunngatillugu sumiginnagaanerpajusut. Peqataatitsinikkut inuiaqatigiinnilu naligiissitsinissamut suliniutitut siunnersuut marluullutik isigaat. Tamatuma saniatigut isumaqarput Naalackersuisut inatsisissatut siunnersuutigilersaakkaminni qanigisaasut suliffeqarfinnut attuumassutillit tapersersuinerat naammanngitsoq.

Aalajangiiffigisassatut siunnersuut una pillugu assigiissuteqartoqarnersoq kiisalu inuit innarluutillit tapersorsorneqarnissaannut Inatsisartut inatsisaanni allannguutaasussani aggersuni ikiorsiinissamut sunik periarfissaqarnersoq paasiniarlugu siunersueqatigiinnermi ataatsimiititaliap paaserusussimavaa. Siunersueqatigiinnermi kingornanilu allakkatigut akissuteqaammit ataatsimiititaliap tulliuttut paasivai:


- Angajoqqaat innarluutilinnik meerallit piffissaq tamaat sulinissamik unammillernartitsisarnerannut Naalackersuisut paasinnissuseqartut, aamma akissarsiatigut taarsiivigineqarnissamut periarfissaqarneq §60-imi inatsisissatut siunnersuummut ilanngunneqarsimasoq

Ataatsimiititaliap inassuteqaatai


- Ataatsimiititaliap isumaqatigiittup siunnersuutip akuerineqarnissaa inassutigaa

¹ [Oqaaseqartartut Naalackersuisut itigartitseqqusinerannut akerliupput \(sermitsiaq.ag\)](http://sermitsiaq.ag)


Taamatut oqaaseqarluni isumaliutissiissummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Anna Wangenheim
Siulittaasup tullia



Mala Høy Kúko
Siulittaasq



Doris J. Jensen

Dines Mikaelen

Mikivsuk Thomassen



Edvard Nielsen Aronsen



Hans Enoksen